

# LUTRIJA BOSNE I HERCEGOVINE d.o.o. Sarajevo

## NADZORNI ODBOR

Na osnovu člana 22. Zakona o igrama na sreću („Službene novine FBiH“, br.48/15 i 60/15) i člana 22. Statuta Lutrije Bosne i Hercegovine d.o.o. Sarajevo („Službene novine FBiH“, br.95/15), Nadzorni odbor Lutrije Bosne i Hercegovine, na sjednici održanoj dana 10.07.2024. godine, d o n i o j e

### **P R A V I L A**

### **igre novčane srećke „VESELA SREĆKA”**

#### **1. OPŠTE ODREDBE**

##### **Član 1.**

Ovim se Pravilima propisuju uslovi za priređivanje igre novčane srećke „VESELA SREĆKA“.

##### **Član 2.**

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke „VESELA SREĆKA“.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

#### **2. NAZIV I VRIJEME TRAJANJA IGRE**

##### **Član 3.**

Novčana srećka „VESELA SREĆKA“ (u daljem tekstu: srećka) je igra na sreću u kojoj igrač skidanjem emulzije sa polja za grebanje može ostvariti dobitak.

##### **Član 4.**

Rok prodaje srećke otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora Priređivača.

Srećke koje nisu prodane do zaključenja prodaje, odnosno dobitci na ovim srećkama, ne smatraju se neisplaćenim dobitcima.

Odluku o puštanju u prodaju svake od serija donosi direktor Priređivača i ista će se objaviti u jednoj od dnevnih novina.

### **3. USLOVI ZA UČEŠĆE U IGRI**

#### **Član 5.**

Učesnikom u igri smatra se osoba koja je sa Priređivačem zaključila ugovor iz člana 2. ovih Pravila, uz dokaz da posjeduje srećku.  
Srećka glasi na donosioca.

### **4. PODRUČJE PRIREĐIVANJA IGRE**

#### **Član 6.**

Srećka se priređuje na području Federacije Bosne i Hercegovini i Brčko Distrikta BiH.

### **5. POJEDINAČNA CIJENA SREĆKE**

#### **Član 7.**

Cijena jedne srećke je 2,00 KM.

### **6. KOLIČINA I NOVČANA VRIJEDNOST EMISIJE SREĆKE**

#### **Član 8.**

Srećka se emituje u serijama. Jedna serija sadrži 1.000.000 (jedan milion) komada srećaka.

Novčana vrijednost emisije srećaka iznosi 2.000.000,00 KM (dva miliona konvertibilnih maraka).

Odluku o broju serija donosi direktor Priređivača.

### **7. VISINA FONDA I VRSTE DOBITAKA**

#### **Član 9.**

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 200.000,00 KM.

Fond dobitaka iznosi 63 % od ukupne emisije vrijednosti ili 70 % od ukupne emisije vrijednosti umanjene za naknadu iz stava 1. ovog člana.

Novčana vrijednosti fonda dobitaka iznosi 1.260.000,00 KM i dijeli se na 258.614 dobitaka.

Fond dobitaka serije se raspoređuje po sljedećem planu:


Vrsta dobitka	Vrijednost dobitka	Ukupan broj dobitnih srećki	Iznos koji se izdvaja iz fonda dobitaka	Vjerovatnoća 1 : ...
25.000 KM	25.000 KM	2	50.000 KM	500.000,00
10.000 KM	10.000 KM	2	20.000 KM	500.000,00
500 KM	500 KM	40	20.000 KM	25.000,00
100 KM	100 KM	70	7.000 KM	14.285,71
(10 KM x 2) + 20 KM	40 KM	900	36.000 KM	1.111,11
20 KM x 2	40 KM	900	36.000 KM	1.111,11
40 KM	40 KM	800	32.000 KM	1.250,00
10 KM x 2	20 KM	2.200	44.000 KM	454,55
20 KM	20 KM	2.200	44.000 KM	454,55
(2 KM x 3) + 4 KM	10 KM	11.500	115.000 KM	86,96
(4 KM x 2) + 2 KM	10 KM	11.500	115.000 KM	86,96
10 KM	10 KM	11.500	115.000 KM	86,96
2 KM x 2	4 KM	48.000	192.000 KM	20,83
4 KM	4 KM	48.000	192.000 KM	20,83
2 KM	2 KM	121.000	242.000 KM	8,26
<b>UKUPNO:</b>		<b>258.614</b>	<b>1.260.000 KM</b>	<b>3,87</b>

Prosječna vjerovatnoća za ostvarivanje dobitka iznosi 1 : 3,87.


## 8. OPIS SREĆKE

### Član 10.

Srećka je pravougaonog oblika, a štampana je u više vizuala. Prednja strana srećke sadrži:

- Logo Lutrije Bosne i Hercegovine;
- Cijena srećke;
- Naziv srećke „VESELA SREĆKA“;
- Polja za grebanje sa uputom za igru 1:
- IGRA 1: Pronađi tri ista iznosa i ostvari taj dobitak u jednostrukom iznosu.
- Polja za grebanje sa uputom za igru 2:
- IGRA 2: Pronađi  simbol i ostvari pripadajući dobitak;
- NAJVEĆI DOBITAK 25.000 KM;
- Pakovni broj srećke.


Poleđina srećke sadrži:

- Logo „Srećke na dohvat ruke“;
- EAN Bar kod;
- Logo „IGRAJ ODGOVORNO“;
- Logo WLA - Certified Security Control Standard;
- Logo THE EUROPEAN LOTTERIES - RESPONSIBLE GAMING CERTIFIED;
- **NOVČANI DOBITAK:** Srećka VESELA SREĆKA na sebi ima dvije igre. Dobitak je moguće ostvariti u bilo kojoj od igara;
- **IGRA 1:** Ukoliko se nakon skidanja emulzije sa polja za grebanje otkriju tri ista iznosa, ostvaruje se taj dobitak u jednostrukom iznosu;
- **IGRA 2:** Ukoliko se nakon skidanja emulzije sa polja za grebanje pronade simbol  ostvaruje se pripadajući dobitak. Ukupan iznos dobitka predstavlja zbir svih ostvarenih dobitaka;
- Emisija: 1.000.000 srećaka;
- Emisiona vrijednost: 2.000.000 KM;
- Fond dobitaka: 1.260.000 KM;
- Datum prodaje do otisnut na srećki;
- PLAN DOBITAKA;
- Priređivač: Lutrija BiH d.o.o. Sarajevo, Ul.Mehmeda Spahe 11, 71000 Sarajevo;
- Sigurnosni kod proizvođača;
- Podaci o dobitniku za oporezive dobitke: Ime i Prezime, JMBG, Adresa;
- Pakovni broj srećke;
- Polje sa uplatnom šifrom u brojčanoj i bar kod formi.

## 9. UTVRĐIVANJE DOBITAKA

### Član 11.

Učesnik u IGRI 1 utvrđuje dobitak ukoliko nakon skidanja emulzije sa polja za grebanje otkrije tri ista iznosa, te ostvaruje taj dobitak u jednostrukom iznosu.

Učesnik u IGRI 2 utvrđuje dobitak ukoliko nakon skidanja emulzije sa polja za grebanje pronade simbol , te ostvaruje pripadajući dobitak.

Ukupan iznos dobitka predstavlja zbir svih ostvarenih dobitaka.

Učesnik u igri nije dužan uzeti srećku na kojoj su vidljivi znaci oštećenja.

## 10. NAČIN I ROK ISPLATE NOVČANIH DOBITAKA

### Član 12.

Pri isplati dobitaka učesnik u igri je dužan predati Priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

### **Član 13.**

Porez na novčani dobitak plaća učesnik u igri koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

### **Član 14.**

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobici prodatih srećaka, koji nisu isplaćeni do propisanog roka, smatraju se neisplaćenim dobitcima.

### **Član 15.**

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

### **Član 16.**

Ispod polja za igru na prednjoj strani srećke se nalazi šifra. Priređivač čuva tajnost šifre.

## **11. NAČIN UPOZNAVANJA UČESNIKA U IGRI S OVIM PRAVILIMA**

### **Član 17.**

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje sa ovim Pravilima, odnosno dati ih na uvid.

## **12. PRELAZNE I ZAVRŠNE ODREDBE**

### **Član 18.**

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

## Član 19.

Ova Pravila stupaju na snagu danom donošenja, a primjenjivat će se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-2-1287-5/24.  
Dana: 10.07.2024. godine

**VD PREDSJEDNIK**

**Miroslav Ćorić, s.r.**